

Smiljana Viteškić
Zastupnica SDA u SKS

SKUPŠTINA KANTONA SARAJEVO
n/r predsjedavajući SKS Dr.Mirza Čelik

PREDMET: Zastupnička inicijativa Ministarstvu za obrazovanje i mlade KS

Inicijativa za izmjene i dopune člana 180. stav 16. Zakona o visokom obrazovanju(Službene novine KS 33/17)

Poštovani,

Predlažem da se u hitnoj proceduri izmijeni član 180. stav 16. Zakona o visokom obrazovanju (Službene novine KS 33/17), kojim je definisan rok za završetak studija na predbolonjskom sistemu sa 30.09.2020. godine. Pomenuti rok uskoro ističe, a na Univerzitetu u Sarajevu studira veliki broj studenata koji u navedenom roku objektivno neće biti u mogućnosti da okončaju započeti studij.S tim u vezi, molim Vas da izvršite izmjene Zakona o visokom obrazovanju KS po hitnom postupku i predlažem da navedeni član 180, stav16. Zakona glasi:

“Student koji je započeo studij po predbolonjskom sistemu studija, ima pravo, u skladu sa zakonom, isti okončati do 30,09.2020.godine”.

Napominjem da je predloženi stav predhodno prihvaćen od strane Senata UNSA, Vijeća fakulteta, kao id samog Ministarstva u aktuelnom nacrtu Zakona o izmjenama Zakona o visokom obrazovanju.

S poštovanjem.

PRILOG :Dopis predstavnika grupe studenata Medicinskog, Stomatološkog, Farmaceutskog, Veterinarskog i Fakulteta zdravstvenih studija.

Sarajevo, 06.07.2020.g.

Zastupnica:
Smiljana Viteškić

Datum: 02. 07. 2020. god.

SKUPŠTINA KANTONA SARAJEVO
N/R DOPREDSJEDAVAVAJUĆA SKUPŠTINE
KS SMILJANA VITEŠKIĆ

Sarajevo

Reisa Džemaludina Čauševića 1

PREDSTAVNICI GRUPE STUDENATA:
MEDICINSKOG, STOMATOLOŠKOG,
FARMACEUTSKOG, VETERINARSKOG I
FAKULTETA ZDRAVSTVENIH STUDIJA

TEL: 061069930

061265074

Predmet: Inicijativa za izmjene i dopune člana 180. stav 16. Zakona o visokom obrazovanju („Službene novine Kantona Sarajevo“ 33/17)

Poštovani,

obraćamo Vam se u ime studenata Medicinskog, Stomatološkog, Farmaceutskog, Veterinarskog i Fakulteta zdravstvenih studija Univerziteta u Sarajevu sa inicijativom za izmjenu člana 180. stav 16. Zakona o visokom obrazovanju KS (u daljem tekstu Zakon), a kojim je definisan rok za završetak studija po predbolonjskom sistemu zaključno sa 30. 9. 2020. godine.

Predlažemo da se predložene izmjene Zakona razmatraju u hitnoj proceduri.

Naime kao što Vam je poznato, pomenuti rok uskoro ističe, a na Univerzitetu u Sarajevu studira veliki broj studenata koji u navedenom roku objektivno neće biti u mogućnosti da okončaju započeti studij. S tim u vezi, molimo Vas da izvršite izmjene Zakona o visokom obrazovanju u hitnom postupku, i to izmjenama člana 180. stav 16. Zakona, i to na način da se rok dodatno produži.

Predlažemo da nakon izmjena i dopuna člana 180. stav 16. Zakona glasi:

„Student koji je započeo studij po predbolonjskom sistemu studija ima pravo, u skladu sa zakonom, isti okončati do 30. 09. 2025. godine“.

Napominjemo, da je predloženi stav prethodno prihvaćen i od strane Senata UNSA, Vijeća fakulteta, kao i od samog Ministarstva u aktuelnom nacrtu Zakona o izmjenama Zakona o visokom obrazovanju KS.

Obrazloženje

Činjenica je da na Univerzitetu u Sarajevu postoji oko 2000 studenata koji imaju opravdan interes da se izvrše gore predložene izmjene Zakona, a kojima se prema važećim odredbama Zakona, protekom definisanog roka (do 30. 9. 2020. godine) suštinski oduzima pravo da svoje obrazovanje okončaju u skladu sa ranijim nastavnim planom i programom (u daljem tekstu: stari sistem studija) prema kojem su započeli studij.

Kao osnov za usvajanje predloženih izmjena Zakona po hitnom postupku ističemo nekoliko činjenica:

Naime, kao što Vam je i poznato, u prethodnom periodu na teritoriju FBiH bilo je proglašeno stanje nesreće uzrokovane pojavom koronavirusa (SARS-CoV-2, bolest COVID-19), uslijed kojeg su i svi fakulteti u okviru Univerziteta u Sarajevu prilagođavali (i još uvijek prilagođavaju) svoj rad novonastaloj situaciji. S tim u vezi, posebno naglašavamo da je, između ostalog i navedena situacija dodatno doprinijela nemogućnosti realizacije ispitnih i nastavnih aktivnosti na redovan način, te je sasvim izvjesno da rok definisan važećim zakonom (do 30. 9. 2020. godine) neće moći biti ispoštovan sa aspekta studenata koji studiraju po starom planu i programu.

Pored navedenog, proglašeno stanje nesreće je negativno utjecalo i na rad Vlade i Skupštine KS, kao i proceduru izmjene Zakona, te je sasvim izvjesno da do pomenutog roka neće biti moguće usvojiti izmjene Zakona u redovnoj proceduri.

Naglašavamo da je u predloženom Nacrtu Zakona predviđena upravo i izmjena i dopuna člana 180. stav 16. Zakona na način kako smo i predložili u uvodnom dijelu naše Inicijative. Smatramo bitnim napomenuti i činjenicu da postoji nesumnjiva podrška i saglasnost Senata UNSA, svih fakulteta medicinske grupacije, kao i Studentskog parlamenta UNSA sa predloženim izmjenama, a o čemu ste već zaprimili niz dopisa i inicijativa sličnog sadržaja.

Iz svega pomenutog, sasvim je jasno da su ispunjene sve zakonske pretpostavke za usvajanje predloženih izmjena postojećeg Zakona po hitnom postupku, jer se radi o jednostavnoj izmjeni za koju nije potrebno provoditi javnu raspravu.

Trenutni vremenski okvir ne dozvoljava usvajanje izmjena Zakona po redovnoj proceduri, a dalja primjena važećeg Zakona može proizvesti nove obaveze i u budžetu Kantona Sarajevo.

S poštovanjem,

u ime svih studenata Starog nastavnog plana i programa, studenti Medicinskog, Stomatološkog, Farmaceutskog, Veterinarskog i Fakulteta zdravstvenih studija Univerziteta u Sarajevu :

Seniha Dolovac i Aldin Lepara, predstavnici studenata Medicinskog fakulteta u Sarajevu



Ivana Peković – Goljuf i Nadir Trako, predstavnici studenata Stomatološkog fakulteta u Sarajevu



Svjjetlana Lizdek, Jelena Todorović, Nerma Juković, predstavnici studenata Farmaceutskog fakulteta u Sarajevu



Dario Zovko, predstavnik studenata Veterinarskog fakulteta u Sarajevu



Irma Mršo, predstavnik studenata Fakulteta zdravstvenih studija u Sarajevu



Predstavnik Studentskog parlamenta UNSA